

UTERUS, cū aliās sexcentarum ærumnarum fœminis
autor ab Hippocr. nominetur, si malè sit dispositus, obstructus,
debilisque, etiam huic malo materiam colligere potest.

VIÆ sunt ARTERIÆ, propagatæ ab ILIACA, quæ ab-
domine egressa vocatur CRURALIS. Hæc varias cum emisit
propagines, quæ MUSCULÆ dicuntur, indivisa tendit ad po-
plitem, & POPLITÆAM constituit. Hæc iterum in duos disilit
ramos: quorum externus tantum tibiæ externam perreptat
partem; alter penetrat suras & SURALIS dicitur. Hic sub
plantâ pedis disseminatur, & ad pollicis usque muscolum ten-
dit. Per hanc arteriolam primò omnium peccantes humores
in doloribus podagricis ad monticulum pollicis lateralem, qui
illicò & omnium primò dolore affici solet, deferuntur. Videat-
ur de his Excell. D. D. Præses in dissert. anatomic. lib. 2. cap. 61. de ar-
teriis pedis. Copiosè etiam de iisdem agit Adrianus Spigellius in tra-
ctatu de Arthritide.

Arteria cruralis recipit Πίρρυσιν humoris, iliaca & suralis
deferunt, oscilla pollicaris τὸ πείλιον, ναυσιώσιν, ὑπερμετῶν καὶ
ἐκχυμώσιν, superfluum nauséa quadam & exsuccatione exomunt in
debiles articulorum pollicis & pedis partes.

VENÆ etiam in extremitatibus & oscillis demittere ali-
quid possunt ad fluxionis augmentum, quantumvis id sit exile &
paucum. Venæ non solum sunt reduces, sed & quandoque edu-
ces, cū præ copiâ irruentem circulandum sanguinem ex arte-
riis readsumere nequeunt, simul etiam de recepto modicum ma-
nu mittere possunt.

Per has & non alias vias Fernelianas & Platerianas Πίρρυ-
σιν podagricam fieri confirmat 1. τὸ ὀρμώμενον ῥεύμα, μετ' ὀρμῆς
cum impetu, pulsus concitatus motu, influens sanguis. Per subcu-
taneas externas vel internas in dorsi spinâ vias ἀθρόως influxus
hic fieri non potest. 2. infelix etiam subitanæ mutationis mo-
dus, cū repellentia adhibentur, clarè ostendit, partim in arte-
riis retrusum, partim in venas ἀθρόως receptum & ad cor dela-
tum, sicque impeditum circulationis motum, gravia illa sym-
ptomata cordis, syncopen, palpitationem, febrim inducere.